



**ХЭНТИЙ АЙМГИЙН
БАЯН-ОВОО СУМЫН ЗАСАГ ДАРГЫН
АЛБАН ДААЛГАВАР**

2025 оны 07 сарын 28 өдөр

Дугаар 1131

Жавхлант

┌ Суурин газрын өвөлжилтийн бэлтгэл ┐
 ажлыг хангуулах тухай

Сумын хэмжээнд 2025-2026 оны өвөлжилтийн бэлтгэл ажлыг хангуулах зорилгоор Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 27 дугаар зүйлийн 27.5.16 дахь заалт, 21 дүгээр зүйлийн 21.1.15 дахь заалт, Эрчим хүчний тухай хуулийн 25 дугаар зүйлийн 25.1.5, 25.1.2 дахь заалт, 29 дүгээр зүйлийн 29.1.1, 29.1.3 дахь заалт, 30 дугаар зүйлийн 30.1.2, 30.1.3, 30.1.7 дахь заалт, Аймгийн Засаг даргын 2025 оны 07 дугаар сарын 09-ний өдрийн 02 дугаартай албан даалгаврыг тус тус үндэслэн ДААЛГАХ НЬ

1. Байгууллагын дарга нар, аж ахуй нэгжүүдэд

1.1 Сум, суурин газрын 2025-2026 оны өвөлжилтийн бэлтгэлийг шалгаж, цаг агаарын эрс хүйтрэл, байгалийн гамшиг, учирч болзошгүй эрсдэл, хүндрэл бэрхшээлийг хохирол багатай даван туулах, шаардлагатай арга хэмжээг цаг алдалгүй шуурхай зохион байгуулж ажиллах.

1.2 Сумын төвийн дулаан хангамж, усан хангамж, ариутгах татуургын системд их болон урсгал засвар хийх, туршилт тохируулгын ажлыг хугацаанд нь чанартай хийж гүйцэтгэхэд хяналт тавьж ажиллах.

1.3 Халаалтын хугацааны нүүрсний үнс, хаягдал, модны үртсийг тээвэрлэн талбайг цэвэрлэж, 2025-2026 оны өвлийн улиралд шаардагдах түлээ, нүүрсийг татан авах гэрээг түлээ нүүрсээр хангагч байгууллага, иргэдтэй 2025 оны 9 дүгээр сарын 10-ны дотор байгуулж, шаардлагатай нөөц бүрдүүлэх.

1.4 Нийтийн эзэмшлийн орон сууцуудын орцыг хариуцсан эзэнтэй болгож орцны хаалга, цонхны дулаалга, халаалтын шугам, секцийн засвар үйлчилгээг 2025 оны 9 дүгээр сарын 10- ний дотор хийж дуусгах.

1.5 Дулаан хэрэглэгч байгууллагууд (төсвийн) өөрсдийн эзэмшлийн шугам сүлжээнд урсгал засвар хийх, дулаан хүлээн авах бэлтгэлийг хангах, төсвийн шууд захирагч нар батлагдсан төсөвт багтаан төлбөрийн асуудлыг шийдвэрлэж, гэрээний хэрэгжилтэд дүн шинжилгээ хийж ажиллах.

D:Zasag darga /zahiramj-2025/

1.6 Ус, дулаан хэрэглэгч албан байгууллага, аж ахуйн нэгж, иргэд өөрсдийн эзэмшлийн ус дулааны гадна худгийг халаалтын улирлаас өмнө заавал цэвэрлэх, хангагч байгууллагын тавьсан шаардлагыг биелүүлэх, байшин, барилгын цонх, хаалга, хана, хучилтын дулаан алдагдлыг арилгах болон хангагч байгууллагатай үйлчилгээний төлбөрийн асуудлыг шийдвэрлэж урьд онуудын өрийг барагдуулах.

1.7 Дулаанаар хангагч байгууллагын хэвийн, найдвартай үйл ажиллагааг хангах зорилгоор тухайн оны 11 дүгээр сарын 01-ээс дараа оны 3 дугаар сарын 01-ийг хүртэлх хугацаанд дулааны шугамаас огтолгоо авахгүй байх, сүлжээнд шинээр хэрэглэгч холбохгүй байх, аваар болон ослын бус шалтгаанаар дулаан хангамжийн ажиллагааг зогсоохгүй байх.

2. Дулаан, эрчим хүч, холбоогоор хангагч тусгай зөвшөөрөлтэй аж ахуйн нэгж байгууллагын дарга нарт:

2.1 Өөрсдийн эзэмшил, ашиглалтад байгаа суурин газрын дулаан хангамж, усан хангамж, худаг, насос станцуудыг засварлах, техникийн үйлчилгээг тогтмол хийж, өвлийн улиралд найдвартай ажиллах бэлтгэлийг хангах.

2.2 Халаалтын хугацааны нүүрсний үнс, хаягдлыг тээвэрлэн талбайг цэвэрлэж, 2025-2026 оны өвлийн улиралд шаардагдах нүүрсийг татан авах гэрээг нүүрсээр хангагч байгууллагатай 2025 оны 9 дүгээр сарын 15-ны дотор байгуулж, халаалтын улирал эхлэхэд зохих нөөцийг бүрдүүлэх.

2.3 Дулаан хангамж, усан хангамж, ариутгах татуургын системийн саатал, ослын үед ажиллах аваарын багийг бэлэн байдалд байлгах, ажилчдыг чадавхжуулах гэмтэл саатлыг арилгах талаар авч байгаа арга хэмжээг тогтмол шуурхай Эрчим хүчний зохицуулах зөвлөлд мэдээлж байх.

2.4 Усан халаалтын зуухны яндангаар гарч байгаа утааны бохирдлыг хэмжих зорилгоор янданд цорго гаргаж хэмжилт хийх нөхцөл боломжоор хангах

2.5 Цахилгаан эрчим хүч доголдсон тохиолдолд зуухны хэвийн үйл ажиллагаа алдагдаж барилга байгууламжийн халаах хэрэгсэл, шугам сүлжээ хөлдөх эрсдэлээс урьдчилан сэргийлж, дулаанаар хангагч байгууллагууд өөрсдийн хүчин чадалд тохирох нөөц дизель генераторыг бэлэн байлгах, байхгүй бол нэмж суурилуулалт хийсэн байх, генераторыг автомат удирдлагад холбож 7-14 хонгийн дизель түлш нөөцлөх.

2.6 Ашиг олох зорилгоор усыг үйлдвэр үйлчилгээнд ашиглаж буй иргэн, аж ахуйн нэгж, байгууллага нь Усны тухай хуулийн 28 дугаар зүйлийн 28.1-д заасны дагуу усны дүгнэлт, гэрээгээ 2025 оны 9 дүгээр сарын 15-ны дотор байгуулах.

3.Захиалагчийг төлөөлж хяналт тавьж буй байгууллагад

3.1 Улсын болон орон нутгийн төсвийн хөрөнгөөр хийгдэж байгаа дулаан хангамж, усан хангамж, ариутгах татуургын зэрэг инженерийн шугам сүлжээний ажлуудыг 2025 оны 9 дүгээр сарын 10-ны дотор зураг төсөл, норм дүрмийн дагуу хийлгэж дуусгах шаардлага тавьж, ажлын явцын мэдээллийг тогтмол шуурхай удирдлагад мэдээлж байх.

4. Цахилгаан эрчим хүч, холбоогоор хангагч байгууллагад:

4.1.Хэнтий аймгийн нутаг дэвсгэр дэх өөрийн харьяаллын цахилгаан, холбооны дамжуулах, түгээх бух шугам сүлжээнд үзлэг, засвар үйлчилгээг графикийн дагуу чанартай хийж, холбооны, цахилгааны шугам, хуваарилах байгууламжуудад гарч болзошгүй саатлыг багасгах арга хэмжээ авах.

6. Байгууллагын дарга нар, аж ахуйн нэгжид

6.1 Байгууллагын дарга нар, энэхүү албан даалгаварт нэр дурдагдсан аж ахуйн нэгж, байгууллагууд 2025-2026 оны өвөлжилтийн бэлтгэл хангах төлөвлөгөөг боловсруулан ажиллаж, гүйцэтгэсэн ажлын тайланг 2025 оны 9 дүгээр сарын 20-ний дотор сумын Засаг даргын Тамгын газарт ирүүлсэн байх.

7. Энэхүү албан даалгаврын биелэлтэд хяналт тавьж ажиллахыг Засаг даргын Орлогч (Г.Энхзаяа)-д даалгасугай.

ЗАСАГ ДАРГА



Д.БАТЧУЛУУН